

女科秘旨

影印古本醫學叢書之五
上海中醫書局發行

醫界名人之評語

中西匯通醫社張錫純氏曰：

實用中醫學一書。會萃國醫數千年

之精華。融會一己十餘年之心得。乃

有關醫學盛衰之名著。非偶然也。

全國醫藥總會蔣文芳氏曰：

接部就班。分門別類。依課本之編製。

作忠實之指導。不特貢獻於醫界人

士。且使民衆得以咸明醫學之常識。

蘭溪中醫專校張山雷氏曰：

不侈高深。不談空理。在在以實能應

用。爲歸宿。與詭異奇僻之不近人情

者。不可同日而語。傑作也。

醫藥新聞報社吳克潛氏曰：

網羅豐富。悉以經驗有用爲歸。蓋深

有慨夫空談之徒。徒足以欺世而無

裨於實際者作也。所以續厥緒而啓

來茲者。其在斯乎。

最近實用中醫學名著

(述著生先未伯秦)

得其至精，可以爲醫行道。

得其大概，可以充滿常識。

全書十二編要目如下：

- 一 生理學
- 二 病理學
- 三 診斷學
- 四 藥物學
- 五 治療學
- 六 處方學
- 七 內科學
- 八 婦科學
- 九 幼科學
- 十 外科學
- 十一 五官科
- 十二 花柳科

全書七百餘面。用大號鉛字精印。

分甲乙兩種。茲爲普及起見。定價

特別從廉。

甲種平裝四厚冊 定價三元 七折

乙種洋裝一厚冊 實洋二元五角

中醫書局謹啓

發行處上海山東路

五馬路南二十六號

中華民國十九年一月初版
中華民國廿三年三月再版

版權所有
禁止翻印

影印古本醫學叢書之五

女科祕旨 全書二冊

定價一元二角
(八折)

撰述者
藏版者
出版者
印刷者
發行者
代售者

輪應禪師

上海中醫書局

上海中醫書局

上海中醫書局

上海中醫書局

廣州雙門底

廣州雙門底

汕頭育新書社

暹羅京天街

女科祕旨卷五目

孕婦家預知修合

臨產須知

論產後調護

論治血塊

產後血暈

產後厥

產後血崩

產後短氣似喘

加參生化湯

加參生化湯

滋榮益氣復神湯

生血止崩湯

滋榮益氣止崩湯

加參生化湯

續氣養榮湯

女科祕旨卷五

輪應禪師纂

仁和吳煜茶垞校訂

有孕婦家預知修合

益母丸催生丸散鹿角灰大料參歸湯生乳湯

臨產須知

痛陣未緊交骨未開雖胞水來不可臨盆 若胞水來
久交骨猶未開宜服大料參歸湯并補助氣血飲食
產戶開兒頭未正不可服催生丸散 服催生藥不可
用敗血耗氣香竄等劑 兒下胞停不可卧倒宜頻服

生化湯 胞下後不可令寒氣入腹更緊防賊風入產
戶 產畢將燒紅秤錘入醋瓶以瓶嘴向產母鼻孔薰
之可免血暈并解穢氣 產後月內宜戒怒氣勿受驚
恐勿勞神力謹慎飲食

論產後調護

婦人病倍男子以胎產之症偏多也在胎前雖宜慎謹
然時日尙寬苟非危急症猶可漸漸挽回且不至終身
受累若夫產後少有不謹或醫治失宜禍同反掌卽幸
不至損命目前受苦非小終身得病恆多故特列章首

普告產婦并事產者鄭重自持庶幾彼此不至後悔也

論治血塊

產後血塊產科所當首重毋視爲輕症而忽之蓋因孕成餘血若產婦壯旺而產易則兒下後亦隨而俱下必不至久停作痛多由產母送兒送胞勞倦之甚或調護失宜或腹欠溫煖所致若不加意調理變症百出論治此症在古方偏用蘇木稜朮以迅攻之在時俗多用生地紅花以急行之或用蘇木牛膝以大破之此三者重虛產婦非徒無益并致產後危急大症無異操刀殺人

蓋產後血塊雖宜消新血亦宜生必須行中帶補化中
有生者方稱善治是則生化湯一方能使塊消而痛止
神清而氣復實新產之至寶也卽世用山查砂糖消塊
姜椒艾酒定痛亦能致淋崩昏暈等症皆非良劑又如
氣脹用烏蔞香附以順之枳壳厚朴以舒之甚有用青
皮枳實蘇子以下氣定喘芩連梔柏以退熱除煩若夫
血枯便實反用承氣湯下之而愈結汗多小便濇短反
用五苓散通之而愈祕此則更無足論蓋產後諸症總
以生化湯爲君其餘不過隨症加減治產後者慎毋執

偏門遵古方予於此條下分症立方可考而用也

產後血暈

分娩後眼見黑花頭眩昏暈不知人事謂之血暈其因有三一由勞倦甚而氣竭神昏二由血大脫而氣絕暈厥三由痰火乘虛泛上而神氣不清此三者皆魂不隨神往來而機運幾息也醫者若偏信古方認暈爲惡血搶心而輕用散血之劑或偏認爲痰火而無補專一消降之方此誤人之命者也當急服大料生化湯先行塊定痛如實係形色脫或汗多而暈脫皆急服生化湯一

帖後卽加人參二三錢如係勞倦甚而暈及血崩氣脫而暈並連灌兩帖後加人參二三錢斷不可疑參爲補而緩用如或真係痰火乘虛泛上而暈可於生化湯內加橘紅四分若虛甚亦加人參如係肥人多痰再加竹瀝七分生姜汁少許以上三等暈症並不可用破血等方如塊痛甚將葯煎送益母丸或鹿角灰或元胡散或獨行散

產後形色脫暈或汗多脫暈

加參生化湯

川芎

當歸

各四錢

姜炭

炙甘草

各四分

桃仁

十粒

人參

三錢

荆芥

四分

棗

一枚

煎服如脉

脫形脫將絕之症可加人參

三錢

頻灌救汗多亦

然若無汗不脫只服大料生化湯不必加參如左

手尺脉脫亦係危症必須加參如血塊痛甚加肉

桂

七分

渴加麥冬

一錢

五味子

十粒

汗多加麻黃

根

一錢

如塊不痛可參芪並用以止汗

凡治產後諸危急症必一日一夜頻服三四帖方

可扶危變吉否則若照常則不及矣

產後厥

產時用力過多勞倦傷脾

經曰脾中臟也

脾乃中臟不能注於

四旁

四旁心肝肺腎也

故逆厥而氣上行

經曰厥氣上行滿脉去形

經云陽

氣衰於上則爲寒厥神氣浮越去身而將散非大補不能回陽而復神豈數錢芎歸而能扶救將絕之氣血耶必用加參生化湯倍人參連服二三帖則氣血旺而神氣生厥自止矣若服葯反渴另用多參生脉散代茶以助救臟燥此經驗之確論毋得有議如四肢逆冷泄痢類傷寒陰症又難用四逆湯則用人參生化湯加附子

一片以回陽止逆又可行參歸之功下立二方分先後用

新產後發厥塊痛未止不用芫朮方

加參生化湯

川芎

人參

各二錢

當歸

四錢

炙草

五分

姜炭

四

分

桃仁

十二粒

棗

二枚

連服二帖

產後發厥塊痛已除方

滋榮益氣復神湯

人參

當歸

各三錢

黃芪

白朮

麥冬

三錢

川芎

錢各一

炙草

陳皮

錢各四

五味子

十粒

熟地

二錢

附子

五分

如汗多加麻黃根棗仁

錢各一

大便秘

不通加肉蓯蓉

二錢

大抵產後暈厥二症相類皆由氣血並竭神將去而機運幾息僅有一絲之生意耳若非重方急服豈能挽回將絕之元神耶但暈在臨盆症急雖甚於厥然能頻灌生化湯幾帖先補血分之虧卽時塊化血旺而神清暈止產婦精神復矣若夫汗多氣促形脫症見則參芪必須加也至厥在分娩之後氣血兩竭宜用倍參生化湯

並補氣血之虧止厥以復神又非偏補血分之可愈也要之暈有塊痛芩朮未可遂加厥無塊痛芩朮地黃並用無疑也

產後血崩

產後血大來當審血之紅紫視形色之虛實如血紫有塊乃當去之敗血止留反作痛不可論崩如鮮紅之血大來乃是驚傷心不能主血怒傷肝不能藏血勞傷脾不能統血歸經耳當以崩治先宜頻服生化湯幾帖則行中有補血甯生旺矣若形脫或多汗氣促宜服倍參

生化湯以益氣斯陽生而陰長矣此非棕灰等之可止者再如產已半月外患崩又宜升舉大補湯治之
分挽後血崩

生血止崩湯

川芎

一錢

當歸

去尾四錢

姜炭

四分

炙甘草

荆芥

烏梅

煨灰

蒲黃

炒各五分

桃仁

十粒

棗

二枚

煎服忌姜

椒熟物并生冷如鮮血大來加白芷

五分

血竭形

脫并汗多氣促俱加人參

三四錢

若無汗不脫不促

只服生化湯多幾帖則血自甯世有言芎歸但能